

COV TSHUAJ TXHAJ TIV THAIV COVID-19

Cov lus pheej nquag nug



1 Cov tshuaj txhaj tiv thaiv ua rau zoo npaum cas?

- **Cov tshuaj txhaj Covid 19 tsis muaj ua rau mob dab tsis.** Txhua yam tshuaj txhaj tiv thaiv tsim tau los yeej ua raws plaub theem tib yam nkaus. Tsis muaj yuav hla ib theem los sis ua ceev, txawm tias ua ceev los yeej tsis hla cov theem ua. Cov kws (Scientists) tsim tshuaj thoob ntiaj teb yeej muaj peev xwm paub ua cov tshuaj txhaj tiv thaiv tau ceev heev rau ntau caum xyoo los lawm.
- Muaj Kaum tawm pua phav leej neeg laus hluas, haiv neeg thiab pawg neeg tau tuaj txhaj sim cov tshuaj kom paub tseeb seb puas muaj teeb meem thiab puas ua hauj lwm zoo thiab thaum cov tshuaj txhaj tiv thaiv tau muab txhaj rau phav pua lab tus neeg zoo tsis muaj dab tsis lawm. Tsoom fww Lub tuam tsev saib xyuas Khoom Noj thiab Tshuaj thiab nrog rau lwm lub koom haum sab nrauv yuav ua twb zoo saib cov ntaub ntawv pov thawj ntawm cov tshuaj tau sim ntawv kom zoo.

2 Cov tshuaj txhaj tiv thaiv no puas hloov paub tau kuv cov noob roj ntshav DNA?

- **Tsis tau. Cov tshuaj txhaj tiv thaiv no yuav hloov paub tsis tau koj cov noob roj ntshav DNA thiab genes hlo li.** Cov tshuaj tiv thaiv yuav qhia koj lub cev tias yuav tua tus kab mob Covid-19 li cas yog thaum tus kab mob nkag tau rau koj lub cev, koj lub cev thiaj paub tua tus kab mob. Cov tshuaj txhaj tiv thaiv yuav tsis ua tau kab mob Covid-19 rau koj.

3 Leej twg yog tus txhiav txim faib pab pawg? Thaum twg kuv mam tau txhaj tshuaj?

- **Cov Tsoom Fww hauv lub teb chaws thiab cov tsoom fww hauv lub xeev yog cov txiav txim faib.** Pab Neeg Saib Kev Txhaj tshuaj tiv thaiv (Advisory Committee on Immunization Practices (ACIP) tau pom zoo muab cov tshuaj yuav xub txhaj li cas, cov neeg twg yog cov xub los txhaj cov tshuaj ua ntej.
- **Nyob tos kom txog koj zeeg txhaj.** [Yog tias koj twb yog ib pab ntawm cov txog zeeg tuaj txhaj tam sim no, nws muaj ntau txoj kev tuaj txhaj tshuaj.](#) Yog tsis tau txog koj zeeg tuaj txhaj tshuaj, nkag mus saib [Public Health Madison & Dane County qhov website qhia txog kev txhaj tshuaj.](#)

4 Koj yuav hnov txawv li cas tom qab txhaj koob tshuaj tag?

- **Feem ntau yeej muaj mob me ntsis, tiam sis li ib los sis ob hnuv xwb nws yuav zoo lawm.** Muaj mob yog ib qhov qhia tias cov tshuaj ua rau koj lub cev npaj yuav tiv thaiv nws tus kheej.
- Yuav muaj tswm sim xws li ua npaw, nkee heev, mob ib ce, hnov no no, mob pob qij txha thiab dias tau hau.

5 Yuav ntev li cas tom qab txhaj tshuaj tag thiaj yuav tiv thaiv tau kuv?

- **Nws yuav siv sij hawm ob asthiv rau koj lub cev tsim kev tiv thaiv tom qab koj txhaj koob tshuaj kawg.** Cov neeg txhaj cov tshuaj Johnson & Johnson (txhaj ib koob) yuav tsim tau kev tiv thaiv tom qab ob asthiv. Cov neeg txhaj cov tshuaj Pfizer los sis Moderna (txhaj ob koom) yuav tsim tau kev tiv thaiv tom qab ob asthiv thaum txhaj koob zaum ob tag.
- **Nyob rau lub sij hawm no, peb tseem tsis tau paub meej tias yuav tiv thaiv ntev npaum cas.** Cov kws tshawb nrhaiv yuav paub meej dua thaum tau cov ntaub ntawv ntau txog cov tshuaj txhaj no lawm.

6

Puas tau them nyiaj txhaj cov tshuaj tiv thaiv COVID-19?

- **Tsis tau**, cov tshuaj no yog siv niamtxiv pej xeem hauv US cov ses los yuav ces yuav txhaj dawb pub rau sawv daws.

7

Cov tshuaj txhaj tiv thaiv tam sim no puas tiv thaiv tau tus kab mob tshiab?

- **Tau, cov tshuaj txhaj tiv thaiv tam sim no pom tau tias yuav tiv thaiv tau tus kab mob tshiab.** Tej zaum, tus kab mob no kuj pauv, Cov neeg tshawb nrhiav tseem yuav kawm ntxiv kom paub txog qhov tiv thaiv tus kab mob tshiab no tau zoo npaum li cas.

8

Kuv puas txhaj tau cov tshuaj tiv thaiv yog kuv muaj mob xws li ntshav qab zib, ntshav siab, mob hawb pob, lwm yam ntau ntxiv?

- **Tau**, cov neeg muaj mob li no yeej txhaj tau cov tshuaj tiv thaiv COVID-19 uas yog lawv tsis muaj qhov txhaj fab tsis haum tej yam tshuaj muab sib tov los ua cov tshuaj no. Cov laus muaj qub mob yuav tau tham nrog lawv tus kws kho mob seb puas txhaj tau.

9

Kuv puas txhaj tau cov tshuaj yog kuv twb tau mob COVID-19 lawm?

- **Txhaj tau, koj yuav tsum tau txhaj txawm tias koj twb tau mob COVID-19 lawm.** Cov Neeg tshaj Lij tseem tsis tau paub zoo tias koj lub cev yuav tiv thaiv tau npaum cas kom txhob mob dua tom qab tau mob Covid-19 zoo lawm.

10

Kuv puas txhaj tau cov tshuaj tiv thaiv Covid-19 yog kuv muaj mob fab tsis haum tej khoom noj / tshuaj/ lwm yam tshuaj txhaj tiv thaiv?

- **Fab tsis haum Tshuaj Txhaj tiv thaiv:** yog koj muaj fab tsis haum tshuaj txhaj tiv thaiv tam sis ntauw- txawm tias qhov fab tsis haum tsis loj pes tsawg – rau ib cov txhaj tiv thaiv los sis tshuaj txhaj kho lwm yam kab mob- nug koj tus kws kho mob seb koj txhaj cov tshuaj no puas tau.
- **Fab tsis haum khoom noj, kab tom, lwm yam:**
 - Yog yav dhau los koj muaj fab tsis haum khoom noj , muv plev (los sis lwm cov kab tom) los sis roj hmas Latex uas **koj siv lub tshuaj Epi Pen** los kho, koj yuav tau mus txhaj koj koob tshuaj nyob rau tom tsev kuaj mob clinic (xws li tsev kho mob loj) uas tsis yog qhov chaw txhaj tshuaj (xws li qhov chaw tsav tsheb mus txhaj), thiaj muaj neeg saib koj zoo.
 - Yog yav dhau los koj muaj fab tsis haum khoom noj, muv plev (los sis lwm cov kab tom) los sis roj hmas latex uas tsis muaj qhov siv **tshuaj Epi Pen** los kho, yuav tsis muaj kev txwv txiav koj qhov txhaj tshuaj tiv thaiv, tiam sis yuav tsum mus txhaj koj koob tshuaj tiv thaiv rau tom ib lub tsev kuaj mob (clinic).

11

Cov menyuam yau puas txhaj tau cov tshuaj tiv thaiv COVID-19?

- **Cov menyuam hnuv nyoog qis dua 16 xyoo tsis tau pub txhaj.** Cov tshuaj Pfizer tsuas tso cai txhaj rau cov neeg muaj hnuv nyoog 16 xyoo thiab siab dua. Cov tshuaj Moderna thiab Johnson & Johnson tso cai rau txhaj cov neeg hnuv nyoog 18 xyoo thiab siab dua.
- Cov menyuam yaus nyuam qhuav tab tom sim txhaj tshuaj tiv thaiv Covid-19 no. Tseem tsis tau paub meej tias thaum twg cov menyuam hnuv nyoog 16 thiab qis dua mam txhaj tau cov tshuaj.

Xav paub ntau, mus saib publichealthmdc.com/covid-19-Vaccine los sis hu WI DHS Vaccine Hotline ntauw tus xov tooj: (844) 684-1064.